

# Ленинэнь Киява

ВКП(б)-нь Клявлинань Райкомонтэ ды трудиянь депутатнэнь районной Советэнтэ газетаст

1940 иень  
**октябрьнэ**  
 1-це чи  
 80 (478) №  
 Лиса 10-це ле  
 Вейне №-нтэ  
 питнезэ 8 тр.

## Передовой трактористнэ топавтыть сезонной заданияст

„Областьканытэ зябканытэ молемадо“ Куйбышевской областной Советэнь исполкомонтэ ды ВКП(б)-нь обкомонтэ 1940 иень сентябрьнэ 5-це чинь постановлениаст Клявлинсконь МТС-нь трактористнэнь югксо вадрысто толкуваемсь значительна кепедизе трактористнэнь производственной активностест. Сокамосонтэ сезонной заданиястнэнь топавтомантэ ды велькска топавтомантэ кисэ омбоцепель размерсэ трудодиятнэнь начислениадонтэ ды 20 процентнэ надбавкадонтэ содазь, тракторной седе ламо бригадатнэ ды башка трактористнэ бойкасто кармасть кепедеме зябкань сокамосонтэ темпатнэнь ды вадрылгавтызь сокамонь качествантэ.

Партиянтэ ды правительствантэ эндо аравтозь сруктивсэ ды паро качества марто зябканытэ планонтэ топавтоманзо кисэ социалистической соревнованиантэ вельде 8 тракторной бригадат сентябрьнэ 25-це чис целанек ды велькска топавтызь зябканытэ сокамосонтэ сыненст аравтозь сезонной заданиястнэнь.

Вана, примеркс, 1-це номер бригадась—бригадирэсь Горбунов Ф. И.—620 га планонзо топавтызе 124 проценте, ветеце номер бригадась—бригадирэсь Кондратьев З. П.—600 га планонзо топавтызе 143 проценте; 142 проценте топавтызе планонзо 11-це номер бригадась как—бригадирэсь Чернов А.

Истя жо максест производственной паро показателть ды сядодо ламо проценте топавтызь сезонной заданиястнэнь планост 7-це номер тракторной бригадась—бригадирэсь Кондратьев Иван, 12-це номер бригадась—бригадирэсь Никифоров М., 3-це номер бригадась—бригадирэсь Емшин Г., 4-це номер бригадась—бригадирэсь Кондратьев А. П. ды 15-це номер бригадась—бригадирэсь Кирилов Г.

МТС-нь кода неть, истя жо лия бригадатнэстэ як 16 трактор выработали уш зябканытэ сокамосонтэ эрва тракторонтэнь аравтозь сезонной заданиястнэнь. Неть кемготово трактортнэсэ 32 трактористт трудонь сэрэнь производственностэ пингстэ сокасть 3364 гектар, конатне (трактористнэ) зябканытэ сокамосонтэ правань коряс лововить передовойкс.

Вана 1-це бригадань пе-

редовой трактористнэ 61 № дизельной тракторсо Медяков ялгась сокасть 228 гектар, сонзэ сменной ялгасо—152 гектар, 310 гектар сезонной заданияст топавтызь 380 гектарс. Сокизь сезонной заданияст теке жо бригадань Курлыгин ды Сяплин трактористнэ як.

ЧТЗ 62-це № тракторсонть 3-це бригадань трактористэсь Андреев А. сокасть 183 гектар, теке жо тракторсонть сонзэ сменной ялгасо Емшин Михаил сокасть 198 гектар, 300 гектар сезонной заданияст сын топавтызь 382 гектарс. Истя жо маркань 58-це № тракторсонть ветеце бригадань трактористэсь Савельев П. сокасть 217 гектар, Сысуев Михаил, сонзэ сменноесь, сокасть 223 гектар, 300 гектар сезонной заданияст топавтызь 440 гектарс.

Замечательной показателть максыть седе вишкине мощностэнь трактортнэсь роботничья трактористнэ як СТЗ-НАТИ 72-це № тракторсонть трактористэсь Иванов И. сокасть 97 гектар, сонзэ сменной ялгасо жо Иванов Н. сокасть 113 гектар, 196 гектар сезонной заданияст топавтызь 210 гектарс. Истя жо топавтызь 94 гектар сезонной заданияст 103 гектарс трактористнэ Колесников С. ды сменноесь Антипов И. кевейксееце номер бригадань трактористнэ Спиридонов ды Филиппов ялгатне СТЗ колесной тракторсо сезонной заданияст топавтызь велькска 21 гектарс. Сядо ды малав сядо проценте топавтызь сезонной заданияст ламо лия тракторной бригадат ды трактористт, мезьсь корты сень кисэ, што Клявлинской МТС-нь трактористнэ действительна побольшевиствски бороцитыть сыиень сэрэнь урожаентэ кисэ ды кепедить эсест материальной благосостоянияст.

Зябканытэ сокамонь планонтэ топавтоманзо коряс правительствантэ эндо аравтозь шканть ютамс кадовсь 25 чи. Но те шкась эрви кирьямс, мезентэ цельтнесэ Клявлинской МТС-нь стахановецтнэ ды передовиктне предоктябрьской социалистической соревнованиантэ вельде должны таргамс эсь мельгаст трудонь производственностэнь кепедемантэнь ды зябканытэ планонтэ 100 проценте топавтомантэнь МТС-нь остатка трактористнэнь как,

## Предприятиястнэ соревнованиась

Советской масторонь трудиятне авокстыть честь марто вастомс Великой Октябрьской социалистической революциянь XXIII-це годовщиантэ. Масторонть предприятиястнэ келейгады предоктябрьской социалистической соревнованиась.

„Малгобекнефть“ трестэнь коллективесь (Грозный) сентябрьнэ 28-це чисэ топавтызе нефтань довамонь сентябрьской планонтэ. Колмоце кварталонь программадонтэ велькска максозь масторонтэнь 10 тышадодо ламо тоннат нефта.

Сентябрьнэ 28-це чисэ топавтызе сентябрьской планонтэ „Пролетарий“ цементной заводсь (Новороссийск). Пландо велькска сон максы 4 тышат тоннат цемент.

Ильичев лемсэ Мариупольской заводонь 1 № мартеновской цехень ставлартнэ топавтызь сентябрьской программантэ ды полностью ликвидировизь задолженностэнь ставель солавтомантэ коряс икелень ковтиэнь кис. (ТАСС).

## Великой русской художникентэ памятьс

Советской общественностэ келейтэ тешкытэ великой русской художникентэ Илья Ефимович Репинэнь кулома чистанзэ 10 иетьнэнь, конатне топодсты сентябрьнэ 29-це чисэ. Те датантэнь ульнесь посвящен вечер искусствань роботниктнэнь Московской кудосонтэ.


Куоккаласо, косо эрясь меельсь иетнестэ великой русской художникесэ, ульнесь митинг. Присутствоваст сядот ленинградской робочейтэ артистт, музыкант, писателть, художниктэ, тонавтница молодежь.

И. Е. Репинэнь калмонзо лангс заложен памятник. Репинской кудонть музеентэ фасадонзо лангс аравтозь мемориальной лаз. (ТАСС).

## Сальской водохранилищанть сооружениязо

Ушодовсь сальской межколхозной водохранилищанть строительствазо (Ростовской область). Сонзэ об'емозо—23 миллионт кубической метрат вельде. Получить влага 11 колхозтнэнь ды колмо зерносовхозтнэнь паксыст. Од стройкасонть примить участия райононь весе 69 колхозтнэ. Колхозниктне решаст прядомс водохранилищанть сооружениянзо октябрьской праздниктнэнь. (ТАСС)

Москвась—Советской Сюзонь столица.



Ярославской реконструированной шоссесь. ТАСС-нь Фото-Клише

## Патриотической покш под'ем

Покш патриотической под'ем марто ютась Якстере Армиянь рядтнэс призывесь Клявлинской районсонть. Эрва призывникесэ радостной волнения марто учесь призывной комиссиянтэ пельде куватысь учовозь се валонтэ, зярдомерить тензэ „годен“ ды те валонтэ марязь, эрва призывникесэ евтась эсь удовлетворениянзо, алтас честна топавтомс Якстере воинэнь эсь обязанностэнь.

Вана призывникесэ Антонов Алексей П., зярдомерить ульсь признан годнойкс ды зачислен НКВД-нь войскас, мерсь.

„Учия радостной сечинть, зярдомерить мерсть „годен“ ды зачислен НКВД-нь войскактнес. Мон карман ванстомо эсенек социалистической родинанть истя, штобу вейкек враг аволь смея коламс священной минек границянтэ“.

Призывниктне истя жо сайть эсь лангозост обязательстват армияв прово-

жамозост шканть роботамс производствасо, колхозсо честна, по-стахановски ды неть обязательстватнэнь топавтыть. Примеркс, призывникесэ Петров Владимир, РККА-с зачислениядонзо мейле, зябканытэ алашасо сокамосонтэ норманзо топавты велькска.

Призывниктне пек покш мель явсть бронетанковой войскасо служамонтэнь.

Ды те чарьковедияк, вельсь овладели тракторсонть, автомашинасонть, вечкевсь тенст те тевесэ. РККА-нь рядтнэсэ жо пополнят эсест знаниястнэнь, штобу ещо лучше громамс врагонть, бути те карми эрвамо.

Весе призывентэ перть аволь ансяк призывниктнэнь, но истя жо весе населениянтэ пельде як арасель вейкек аморальной явлениянь случай. Те корты седе, што трудиятне кеместэ вечксызь эсензэ мирной трудонь ванстыцянтэ—Робоче-Крестьянской Якстере Армиянтэ.

В. Кичаев

## Гордимся эсенек церактнэсэ

Арась седе покш радость чем воспитывать эйкакшот социализманть пингстэ ды Лениэнь-Сталинэнь великой партиянтэ руководстванзо ало.

Ещо Владимир Ильич кортась: эрви тонавтнемс, тонавтнемс ды тонавтнемс. Неть великой заветатне воплощаются эрямос. Кементэ ды сядот тыща минек родинань од ломать средней ды высшей образования марто призываються Якстере армиянь ды Военно-Морской флотонь славной рядтнэс.

Минек покш церанок Григорий 1939-це иень ноябрьсто прядсь высшей учебной заведения. Те иень мартковсто ульсь призван Робоче-Крестьянской Якстере армиянь рядтнэс. Ней сон служи артиллериясо, тонавтнэнь военной школасо, покш

мельсэ овладевает передовой военной техникасонть.

Омбоце церанок Вячеслав прядсь средней школа ды сентябрьнэ 21-це чисэ ютызе призывентэ, косо сон зачислен Робоче-Крестьянской Военно-Морской флотс.

Минь, сынст тетяст-аваст, гордимся сеньсэ, што Робоче-Крестьянской Якстере армиянтэнь ды Военно-Морской Флотонтэнь макстано шумбрат, физически кеметь, средней ды высшей образования марто церак. Минь заслуженной гордость ды уверенность марто являвтаном, што минек церанок кармить честна служамо эсенек социалистической отечестванть неприкосновенностэнь ванстамонь интереснэнь.

Михалкин Роман Николаевич  
 Клявлинань станца

